



# **Polasaí Chosaint Sonraí (GDPR) An Foras Pátrúnachta**



# Foras Pátrúnachta na Scoileanna Lán-Ghaeilge



Polasaí Príobháideachais  
Eanáir 2023

# Polasaí um Chosaint Sonraí An Foras Pátrúnachta

## Cosaint Sonraí

Bunaithe ar an Rialachán Ginearálta um Chosaint Sonraí agus na hAchtanna um Chosaint Sonraí, leagtar síos sa Pholasaí um Chosaint Sonraí seo bonn do gach fostaí san eagraíocht chun an tuiscint atá acu ar na coincheapa um chosaint sonraí agus feasacht ar a bhfreagrachtaí aonair ina leith seo a fhorbairt. Cuirfidh sé sin ar chumas na heagraíochta a hoibleagáidí dlíthiúla a chomhlíonadh maidir leis an reachtaíocht um chosaint sonraí i ngach réimse dá cuid oibríochtaí.

### 1. Réamhrá

Is é misean An Foras Pátrúnachta:

*“Pobal agus geilleagar fuinniúil, rathúil, inbhuanaithe Gaeltachta a fhorbairt agus an Ghaeilge mar phríomhtheanga phobail na Gaeltachta a neartú agus a bhuanú le go mbeidh an Ghaeltacht mar réigiún den scoth ar chaighdeán domhanda.”- Tóg ón bhfealsúnacht*

Tá An Foras Pátrúnachta ag iarraidh cearta agus príobháideachas daoine a chosaint de réir na hAchtanna um Chosaint Sonraí 1988 go 2018 agus an Rialachán Ginearálta maidir le Cosaint Sonraí, agus go dtuigtear na cearta a thugann na hAchtanna agus an Rialachán maidir le Cosaint Sonraí do dhaoine agus na freagrachtaí a chuireann na hAchtanna agus an Rialachán ar bhail foirne An Foras Pátrúnachta a phróiseálann *sonraí pearsanta* ina gcuid oibre.

### 2. Cuspóir

Baineann an Polasaí um Chosaint Sonraí seo le foireann iomlán An Foras Pátrúnachta, idir bhuan agus sealadach, Comhaltaí Boird, baill foirne a oibríonn ar bhonn conartha don eagraíocht, agus le daoine eile atá údaraithe chun rochtain a fháil ar shonraí pearsanta atá á gcoinneáil ag An Foras Pátrúnachta. Ba cheart an polasaí seo a léamh in éineacht le polasaithe agus nósanna imeachta ábhartha eile na heagraíochta. Féadfaidh An Foras Pátrúnachta cur leis an bpolasaí seo nó é a leasú le polasaithe agus treoirlínite eile ó am go ham.

### 3. Scóip

Baineann an polasaí seo le feidhmeanna próiseála iomlána na heagraíochta maidir le sonraí pearsanta a bhaineann le daoine nádúrtha sainaitheanta nó so-aitheanta, lena n-áirítear feidhmeanna próiseála a dhéantar ar chliaint, fostaithe, soláthraithe agus aon sonraí pearsanta eile a phróiseálann An Foras Pátrúnachta ó fhoinse ar bith.

Sainmhínítear **sonraí pearsanta** mar aon fhaisnéis a bhaineann le duine nádúrtha sainaitheanta nó so-aitheanta (‘ábhar sonraí’); duine nádúrtha so-aitheanta is ea duine is féidir a shainaithint, go díreach nó go hindíreach, go háirithe trí thagairt a dhéanamh d’aitheantóir cosúil le hainm, uimhir aitheantais, sonraí súimh, aitheantóir ar líne nó ceann amháin nó níos mó de thosca a bhaineann go sonrath le céannacht fhisiceach, fhiseolaíoch, ghéiniteach, mheabhrach, eacnamaíoch, chultúrtha nó shóisialta an duine nádúrtha sin.

Sainmhínítear **catagóirí speisialta sonraí pearsanta** mar shonraí pearsanta a nochtann tionscnamh ciníoch nó eitneach, tuairimí polaitiúla, creideamh reiligiúnach nó fealsúnach, nó ballraíocht i gceardchumann, sonraí géiniteacha, sonraí bithmhéadracha chun duine nádúrtha a shainaithint go huathúil, sonraí a bhaineann leis an tsláinte nó sonraí a bhaineann le saol gnéis agus le gnéaschlaonadh duine nádúrtha.

#### 4. Prionsabail um Chosaint Sonraí

Chun a fheidhmeanna a chomhlíonadh, caithfidh An Foras Pátrúnachta na prionsabail um chosaint sonraí a chomhlíonadh mar atá leagtha amach sna hAchtanna um Chosaint Sonraí 1988 go 2018 agus an Rialachán Ginearálta maidir le Cosaint Sonraí 2016, ar féidir achoimre mar seo a leanas a dhéanamh orthu:

##### 4.1 Dlíthiúlacht, cothroime agus trédhearcacht

Déanfar sonraí pearsanta a phróiseáil **ar bhealach dlíthiúil, cothrom agus trédhearcach** maidir leis an té is ábhar do na sonraí. Bailítear faisnéis ón mBord, ón bhfoireann, ónár gcliaint agus ó dhreamanna eile den phobal. I dtaobh faisnéise atá á choinneáil ag an eagraíocht ar dhaoine eile (Comhaltáí Boird, daoine a dhéanann iarratas ar phoist laistigh den eagraíocht, iarratas ar dheontais), is gnách go soláthraíonn na daoine an fhaisnéis iad féin le toiliú iomlán agus feasach, agus a cuireadh i dtoll a chéile fad a bhí siad fostaithe nó ar chonradh leis an eagraíocht. Caitear leis na sonraí sin go léir i gcomhréir leis na hAchtanna um Chosaint Sonraí 1988 go 2018 agus an Rialachán Ginearálta maidir le Cosaint Sonraí 2016 agus le téarmaí an Pholasáí um Chosaint Sonraí seo. Déanfar an fhaisnéis sin a fháil agus a phróiseáil go cóir.

##### 4.2 Teorannú de réir cuspóra

Baileofar sonraí pearsanta chun **críche sonraithe sainráite dlisteanacha** agus ní dhéanfar iad a phróiseáil a thuilleadh ar bhealach nach mbeidh de réir na gcríoch sin. Má dhéantar tuilleadh próiseála ar shonraí pearsanta chun cartlannú a dhéanamh ar mhaithe le leas an phobail, chun taighde eolaíoch agus stairiúil nó chun staidrimh a dhéanamh, ní mheasfar, i gcomhréir le hAirteagal 89(1) den RGCS, go bhfuil sí ar neamhréir leis na críocha tosaigh.

##### 4.3 Íoslaghdu sonraí

Beidh sonraí pearsanta **leormhaith, ábhartha agus teoranta don mhéid is gá chun críocha a bpróiseála**.

##### 4.4 Cruinneas

Beidh sonraí pearsanta **cruinn agus, i gcás inar gá, coinneofar suas chun dáta iad**. Déanfar gach iarracht réasúnta a chinntiú go scríosfar nó go gceartófar sonraí pearsanta míchruinne gan mhoill, chun críocha a bpróiseála.

## 4.5 Teorannú stórála

Níor chóir sonraí pearsanta a choinneáil níos faide ná mar is gá do na cuspóirí sonraithe. Féadfar sonraí pearsanta a stóráil le haghaidh tréimhsí níos faide ach gan na sonraí sin a phróiseáil cé is moite de chartlannú a dhéanamh orthu ar mhaithe le leas an phobail, taighde eolaíoch nó stairiúil a dhéanamh nó chun staidrimh a bhailiú i gcomhréir le hAirteagal 89(1) den RGCS, faoi réir chur i bhfeidhm na mbeart iomchuí teicniúil agus eagraíochtúil a cheanglaítear leis an Rialachán seo d'fhonn cearta agus saoirsí an té is ábhar do na sonraí a choimirciú.

## 4.6 Sláine agus rúndacht

Déanfar sonraí pearsanta a phróiseáil ar bhealach a chinnteoidh **slándáil iomchuí na sonraí pearsanta**, lena n-áirítear cosaint ar phróiseáil neamhúdraithe nó neamhdhleathach agus ar chailleadh, scrios nó damáiste de thaisme, agus úsáid á bhaint as bearta iomchuí teicniúla nó eagraíochtúla.

## 5. Cearta na nÁbhar Sonraí

Cuirfidh An Foras Pátrúnachta polasaithe agus nósanna imeachta i dtoll a chéile agus cuirfidh sé oiliúint ar fáil chun cearta na n-ábhar sonraí seo a leanas a chur i bhfeidhm:

### 5.1 Ceart rochtana don ábhar sonraí

Cuirfidh An Foras Pátrúnachta nósanna imeachta i bhfeidhm chun a chinntiú go ndéanfar iarratais rochtana ó ábhar sonraí ar a sonraí pearsanta féin a shainaitheint agus a chur i gcrích de réir na reachtaíochta.

### 5.2 An ceart go ndéanfaí ceartúcháin

Tá An Foras Pátrúnachta tiomanta sonraí na ndaoine is ábhar do na sonraí a choinneáil cruinn agus cuirfear próisis agus nósanna imeachta i bhfeidhm chun a chinntiú gur féidir leis na hábhair sonraí a gcuid sonraí féin a cheartú i gcásanna ina sainithnítear eolas míchruinn iontu.

### 5.3 An ceart go ndéanfaí léirscrios (an ceart go ndéanfaí ligean i ndearmad)

Ní phróiseálfaidh An Foras Pátrúnachta sonraí pearsanta ach amháin i gcás go bhfuil bonn dleathach ann chun é sin a dhéanamh. Sa gcás go bhfaigheann An Foras Pátrúnachta iarratas ó ábhair sonraí atá ag iarraidh a gceart go ndéanfaí léirscrios, déanfaidh An Foras Pátrúnachta measúnú an féidir na sonraí a léirscriosadh gan tionchar a bheith aige sin ar chumas na heagraíochta leasa agus seirbhísí a sholáthar don ábhar sonraí amach anseo.

### 5.4 An ceart go gcuirfí srian le próiseáil

Measfaidh An Foras Pátrúnachta an féidir feidhmiú ar iarratas ábhar sonraí chun srian a chur le próiseáil a s(h)onraí.

### **5.5 An ceart chun iniomparthachta sonraí**

Ní phróiseálfaidh An Foras Pátrúnachta sonraí pearsanta ach amháin i gcás go bhfuil bonn dleathach ann é sin a dhéanamh. I gcás ina bhfuil sonraí pearsanta a bhaineann le hábhair sonraí bailithe ag An Foras Pátrúnachta le toiliú nó le conradh, tá an ceart ag an té is ábhar do na sonraí na sonraí a fháil i bhformáid atá struchtúrtha, a úsáidtear go coitianta agus atá inléite ag meaisín, agus tá an ceart acu na sonraí sin a tharchur chuig rialaitheoir eile.

### **5.6 An ceart agóid a dhéanamh**

Tá sé de cheart ag ábhair sonraí agóid a dhéanamh maidir le próiseáil a sonraí pearsanta féin i gcúinsí sonracha, mar atá leagtha amach in Airteagal 21 den RGCS. I gcás ina bhfaightear gearán den chineál sin, déanfaidh An Foras Pátrúnachta gach cás a mheas ar a thuillteanais.

### **5.7 An ceart gan a bheith faoi réir cinnteoireachta uathobrithe**

Tá sé de cheart ag ábhair sonraí gan a bheith faoi réir chinneadh a bhunaítear ar phróiseáil uathobrithe amháin, i gcás ina mbíonn éifeacht dhlíthiúil nó shuntasach ag cinneadh den chineál sin air nó uirthi. I gcás ina gcuirfear córais nó próisis i bhfeidhm, lena n-áirítear sochair nó seirbhísí, cinnteoidh An Foras Pátrúnachta go mbeidh ceart iomchuí achomhairc ar fáil don ábhar sonraí.

### **5.8 An ceart gearán a dhéanamh**

Beidh próiseas gearán i bhfeidhm ag An Foras Pátrúnachta a bheidh ábhair sonraí in ann a úsáid chun teagmháil a dhéanamh leis an eagraíocht. Oibreoidh an Eagraíocht i gcomhar leis an té is ábhar do na sonraí chun déileáil leis an ngearán chun sástacht an dá pháirtí. Cuirfear an t-ábhar sonraí ar an eolas maidir lena c(h)earth gearán a dhéanamh leis an gCoimisiún um Chosaint Sonraí.

## **6. Freagrach as an bpolasaí seo**

Tá An Foras Pátrúnachta tiomanta dlíthe ábhartha iomlána an AE agus na hÉireann maidir le sonraí pearsanta a chomhlíonadh, agus sonraí agus saoirsí na ndaoine a chosaint.

Tá freagracht ar gach ball foirne san eagraíocht, agus freisin ar thríú páirtithe atá ag obair ar son na heagraíochta agus a bhailíonn agus/nó a rialaíonn astu féin inneachar agus úsáid sonraí pearsanta, a chinntiú go mbailítear, go gcoinnítear agus go láimhseáiltear sonraí pearsanta go cuí. Tá freagracht ar gach ball foirne a láimhseálann sonraí

pearsanta a chinntiú go láimhseáiltear agus go bpróiseáiltear iad i gcomhréir leis an bpolasaí seo, le dea-chleachtas agus de réir na reachtaíochta.

## **7. Freagrachtaí na heagraíochta**

Tá freagracht ar An Foras Pátrúnachta as an méid seo a leanas:

### **7.1 Taifead a choinneáil de phróiseáil sonraí**

Coinneoidh An Foras Pátrúnachta taifead de ghníomhaíochtaí próiseála sonraí ar an mbealach atá leagtha amach in Airteagal 30 den RGCS é. Chun cruinneas sonraí a chinntiú, déanfaidh gach rannóg athbhreithniú ar na taifid atá ina seilbh go bliantúil.

### **7.2 Bearta teicniúla agus eagraíochtúla cuí a chinntiú**

Cuirfidh An Foras Pátrúnachta bearta teicniúla agus eagraíochtúla cuí i bhfeidhm chun a chinntiú go bhfuil sonraí pearsanta á gcosaint agus chun é sin a léiriú.

### **7.3 Comhaontuithe cuí a chur i bhfeidhm le tríú páirtithe**

Cuirfidh An Foras Pátrúnachta comhaontuithe agus conarthaí cuí i bhfeidhm le gach tríú páirtí lena roinntear sonraí pearsanta. Cuimsíonn an téarma ‘tríú páirtí’ ranna agus gníomhaireachtaí eile de chuid Rialtas na hÉireann. Cuirfear gach comhaontú den chineál sin i bhfeidhm i scríbhinn sula gcuirfear tús le haistriú na sonraí. Sa gcomhaontú sin, leagfar amach go sonrach cuspóir an aistrithe, an riachtanas do shlándáil leordhóthanach, an ceart chun deireadh a chur le próiseáil agus srian a chur le tuilleadh aistrithe chuig páirtithe eile, agus áireofar ann go bhfreagrófar iarratais ar eolas agus go mbeadh ceart iniúchadh a dhéanamh.

### **7.4 Cosaint sonraí incheaptha agus ar bhonn réamhshocraithe**

Sula gcinntear an modh próiseála agus le linn na próiseála féin chomh maith, cinnteoidh An Foras Pátrúnachta go mbeidh bearta agus cosaintí teicniúla agus eagraíochtúla cuí i bhfeidhm sa bpróiseas agus go gcloífear leis na prionsabail maidir le cosaint sonraí.

### **7.5 Measúnuithe Tionchair maidir le Cosaint Sonraí (MTCSanna)**

\*\*Os rud é nach bpróiseálann AFP sonraí íogair ná nach mbímid ag próiseáil sonraí ina mbeidh riosca suntasach ann do chearta agus do shaoirse ábhair shonraí mar thoradh ar chineál nua próiseála sonraí, feictear dúinn nach mbaineann MTCSanna leis an eagraíocht faoi láthair

\*\*Próiseálann An Foras Pátrúnachta iarratais ar ghrinnfhiosrúcháin ón mBiúró Náisiúnta um Ghrinnfhiosrúcháin. Scriostar na foirmeacha iarratais ag deireadh an Phróisis. Mar chuid den phróiseas bíonn fáil ag ár nOifigeach Grinnfhiosrúcháin ar nochtuithe maidir le ciontuithe na n-iarratasóirí. Nuair a fhaightear nochtú den sort sin seoltar láithreach chuig an iarratasóir é agus coinnítear i gcomhad criptithe é ar feadh míosa ar eagla go ndéanfaidh an t-iarratasóir athiarratas air. Scriostear go slán an nochtú i ndiaidh míosa sin.

Déantar pasfhocail ar chomhaid/tiomantáin roinnte a athrú ar bhonn sé mhí

## **7.6 Sáruithe maidir le sonraí pearsanta**

Sainmhínítear ‘sárú maidir le sonraí pearsanta’ mar shárú ar shlándáil as a dtiocfadh scrios, cailleadh, athrú, nó nochtadh neamhúdraithe sonraí pearsanta a rinneadh a tharchur, a stóráil nó a phróiseáil ar bhealach eile, nó rochtain neamhúdraithe a bheith faighte ar na sonraí sin, bíodh sé sin de thaisme nó go neamhdhleathach.

Tá prótacal forbartha ag An Foras Pátrúnachta chun sáruithe maidir le cosaint sonraí a láimhseáil, agus cuimsíonn sé sin modheolaíocht chun dul i ngleic le sárú maidir le sonraí pearsanta agus chun fógra a thabhairt ina leith don CCS agus d’ábhair sonraí nuair is gá.

Is é an prótacal ná go gcuirfí an tArd-Rúnaí agus Cathaoirleach An Foras Pátrúnachta ar an eolas maidir le haon shárú sonraí. Déanfaidh siad teagmháil le hOifig an Choimisinéara Cosanta Sonraí agus cuirfear an té lena mbaineann an sárú sonraí ar an eolas faoi. Déanfar iniúchadh ar an sárú agus cuirfear bearta maolaithe i bhfeidhm chun a leithéid de shárú a sheachaint amach anseo.

## **7.7 Saoráil Faisnéise**

Ós rud é gur comhlacht príobháideacht atá san Fhoras Pátrúnachta, níl an eagraíocht faoi scáth an Acht um Shaoráil Faisnéise 2014.

## **8. Rialachas**

Déanfaidh An Foras Pátrúnachta faireachán ar chomhlíonadh na reachtaíochta ábhartha trí pholasaithe agus nósanna imeachta na heagraíochta.

## **9. Freagrachtaí Foirne**

Tá freagracht ar aon duine a phróiseálann sonraí ar son na heagraíochta an Polasaí um Chosaint Sonraí seo a chomhlíonadh.

### **9.1 Oiliúint agus Feasacht**



Gheobhaidh an fhoireann ar fad oiliúint chúí maidir leis an RGCS, cosaint sonraí agus bainistiú taifead. Gheobhaidh baill foirne nua oiliúint mar chuid den phróiseas ionduchtúcháin. Coinneofar an fhoireann go léir ar an eolas maidir le dualgais chosanta sonraí trí fhógraí rialta ón Oifigeach um Chosaint Sonraí agus cumarsáid leanúnach le Comhordaitheoirí um Chosaint Sonraí na hEagraíochta.

## 9.2 Teip i gcomhlíonadh an pholasaí um chosaint sonraí

Tá dualgas ar gach ball foirne a chinntiú go gcomhlíonfar na prionsabail um chosaint sonraí agus go gcloífead le forálacha an pholasaí seo. Leagtar an fhreagracht ar gach ball foirne a chinntiú gur i gcomhréir leis an reachtaíocht um chosaint sonraí agus leis an bpolasaí seo a phróiseálfad siad aon sonraí mar chuid dá ndualgas laethúil. Féadfaidh gníomh smachtaithe a bheith mar thoradh ar shárúithe ar an bpolasaí seo.

## 10. Próiseálaí Tríú Páirtithe

Mar chuid d'fheidhmiú An Foras Pátrúnachta mar rialaitheoir sonraí pearsanta, baintear úsáid ó am go ham as próiseálaí sonraí chun sonraí pearsanta a phróiseáil thar ceann An Foras Pátrúnachta.

I ngach cás, déantar an phróiseáil ar chonradh aontaithe, ag cinntiú go bhfuil an próiseálaí ag próiseáil *sonraí pearsanta* de réir na nAchtanna um Chosaint Sonraí 1988 go 2018 agus an Rialachán Ginearálta maidir le Cosaint Sonraí 2016.

## 11. Ceisteanna maidir leis an bPolasaí um Chosaint Sonraí

Tá tuilleadh eolais maidir le cosaint sonraí ar ár láithreán gréasáin, [www.foras.ie](http://www.foras.ie).

Ba cheart ceisteanna nó ábhair imní maidir le polasaithe na heagraíochta maidir le sonraí pearsanta a chur in iúl don eagraíocht ag [eolas@foras.ie](mailto:eolas@foras.ie)

Nó

An Foras Pátrúnachta,

Bloc K3,

Campas Gnó Mhaigh Nuad,

Maigh Nuad,

Co. Chill Dara

## **Aguisín 1**

### **Sainmhíniú ar na téarmaí a úsáidtear maidir le cosaint sonraí pearsanta agus a bhfuil tagairt dóibh sa bPolasaí seo**

**Na hAchtanna um Chosaint Sonraí** – Sna hAchtanna um Chosaint Sonraí 1988 go 2018, tugtar cearta do dhaoine aonair agus cuirtear freagrachtaí ar dhaoine a láimhseálann, a phróiseálann, a bhainistíonn agus a rialaíonn sonraí pearsanta. Ní mór d’fhoireann iomlán na heagraíochta cloí le forálacha na nAchtanna um Chosaint Sonraí nuair a dhéanann siad sonraí pearsanta a bhailiú agus a stóráil. Baineann sé sin le sonraí pearsanta maidir le fostaithe na heagraíochta agus freisin le daoine aonair a bhíonn i dteagmháil le hAn Foras Pátrúnachta.

**Sonraí** – Faisnéis atá i bhfoirm is féidir a phróiseáil. Áirítear leis sin sonraí uathoibrithe nó leictreonacha (aon fhaisnéis ar ríomhaire nó faisnéis a thairfeadtar lena cur ar ríomhaire) agus sonraí láimhe (faisnéis a thairfeadtar mar chuid de chóras comhdúcháin ábhartha nó lena cur i gcóras comhdúcháin ábhartha).

**Sonraí pearsanta** – Sonraí a bhaineann le duine beo atá le haithint nó is féidir a aithint ó na sonraí, nó ó na sonraí in éineacht le faisnéis eile atá, nó a d’fhéadfadh a bheith i seilbh an rialaitheora sonraí.

**Catagóirí speisialta sonraí pearsanta** – Sonraí pearsanta lena léirítear tionscnamh ciníoch nó eitneach, tuairimí polaitiúla, creideamh reiligiúnach nó fealsúnach, nó ballraíocht i gceardchumann, sonraí géiniteacha, sonraí bithmhéadracha chun duine nádúrtha a shainaithint go huathúil, sonraí a bhaineann leis an tsláinte nó sonraí a bhaineann le saol gnéis agus le gnéaschlaonadh duine nádúrtha.

**Córas comhdúcháin ábhartha** – Measfar aon tacar faisnéise a eagraítear de réir ainm, Uimhir PSP, uimhir phárolla, uimhir fostaí, dáta breithe, nó aon aitheantóir uathúil eile, a bheith ábhartha.

**Próiseáil sonraí** – Oibríocht nó sraith oibríochtaí ar bith a dhéanamh ar shonraí, lena n-áirítear:

- Na sonraí a fháil, a thairfeadh nó a choinneáil;
- Na sonraí a bhailiú, a chur in eagar, a stóráil, a athrú nó a oiriúnú;
- Na sonraí a aisghabháil, breathnú orthu nó iad a úsáid;

- Na sonraí a nochtadh trí iad a tharchur, a scaipeadh nó a chur ar fáil ar bhealach eile;
- Na sonraí a ailíniú, a chumasc, a bhlocáil, a scrios nó a léirscrios.

**Ábhar sonraí** – Duine is ábhar do na sonraí pearsanta.

**Iarratas ar Shonraí Pearsanta** – Nuair a dhéanann duine iarratas chuig an eagraíocht chun a s(h)onraí pearsanta faoin reachtaíocht um chosaint sonraí a nochtadh.

**Rialaitheoir sonraí** – Duine (ina (h)aonar nó le daoine eile) a rialaíonn inneachar agus úsáid na sonraí pearsanta.

**Próiseálaí sonraí** – Duine a phróiseálann faisnéis phearsanta thar ceann an rialaitheora sonraí, m.sh. fostaí in eagraíocht a seachfhoinsíonn an rialaitheoir sonraí obair chucu. Cuireann na hAchtanna dualgais ar na daoine a dhéanann próiseáil ar shonraí. Nóta: Ní thagraíonn próiseálaí sonraí d'fhostaí de chuid an rialaitheora sonraí.

**Sárú maidir le sonraí pearsanta** – Sárú ar shlándáil as a dtiocfaidh scrios, cailleadh, athrú, nó nochtadh neamhúdraithe, sonraí pearsanta a rinneadh a tharchur, a stóráil nó a phróiseáil ar bhealach eile, nó rochtain neamhúdraithe ar na sonraí sin, bíodh sé sin de thaisme nó go neamhdhleathach.

## **Aguisín 2**

### **Sonraí a bhailimid agus na críocha**

Cur Síos:

Na críocha ar fad a bhaineann le feidhmeanna na heagraíochta a chomhlíonadh, lena n-áirítear:

- Riarachán Ginearálta (eolairí teileafóin, liostaí teagmhálaithe, liosta dáileacháin, seoltaí ríomhphoist, scannánaíocht TCI a choinnítear ar feadh 28 lá);
- Seirbhísí agus Feidhmchláir TF (seoltaí ríomhphoist, uimhreacha foirne);
- Bainistíocht Airgeadais agus Pearsanra (sonraí maidir le fostaithe, tuarastail, asbhaintí, stair oibre, CVanna, agus sonraí pearsanta de réir mar is gá);
- Cláir, deontais, próisis agus nósanna imeachta a bhaineann leis an eagraíocht (sonraí agus taifid iarratasóirí a iarrtar sa phróiseas iarratais);
- Sonraí maidir le Comhaltaí Boird an Údaráis (sonraí teagmhála, CVanna, sonraí bainc chun táillí/costais a íoc);
- Saoráil Faisnéise (sonraí teagmhála na n-iarratasóirí);
- Ceadúnú, deimhniúchán agus údaruithe de réir mar is cuí don eagraíocht;
- Sonraí maidir le próisis chomhairliúcháin phoiblí.

## **Aguisín 3**

### **Iarratas a dhéanamh ar Shonraí Pearsanta**

Faoin reachtaíocht um chosaint sonraí, tá sé de cheart ag daoine aonair cóip d'aon fhaisnéis phearsanta atá á choinneáil fúthu ar ríomhaire nó ar chóras comhdaithe struchtúrtha a fháil ó An Foras Pátrúnachta.

Ní mór iarratas i scríbhinn a dhéanamh chuig an seoladh thíos chun cóipeanna de shonraí pearsanta atá á gcoinneáil ag An Foras Pátrúnachta a fháil:

An Foras Pátrúnachta,  
Bloc K3,  
Campas Gnó Mhaigh Nuad,  
Maigh Nuad,  
Co. Chill Dara

Is féidir tuilleadh eolais maidir leis an gceart rochtana, lena n-áirítear Foirm Iarratais ar Shonraí Pearsanta, a fháil ar an suíomh idirlín.

Iarratais Rochtana a Fhreagairt

Nuair a fhaightear iarratas bailí, tá dualgas ar an eagraíocht é a fhreagairt laistigh d'aon mhí amháin, fiú i gcás nach bhfuil sonraí pearsanta á gcoinneáil. I gcás ina mbíonn iarratais chasta nó ina mbíonn líon mór iarratas i gceist, is féidir síneadh ama dhá mhí a chur leis an teorainn ama sin.

Níl aon táille i gceist chun iarratas rochtana a dhéanamh ar do shonraí pearsanta féin, ach amháin i gcás ina meastar iarratas a bheith gan bhunús nó iomarcach.

Baineann eisceachtaí áirithe le nochtadh sonraí, lena n-áirítear sonraí tríú páirtí, sonraí faoi phribhléid dlí, nó sonraí atá ag teastáil chun cionta coiriúla a chosc, a imscrúdú nó a chúisiú.

Faoi Alt 61(1) den Acht um Chosaint Sonraí 2018, ceadaítear srianta a chur ar chearta ábhar sonraí i gcás ina ndéantar próiseáil sonraí chun cartlannú a dhéanamh ar mhaithe le leas an phobail.

Cé leis a mbainfidh an polasaí?

### **Cé leis a mbainfidh an polasaí?**

Baineann an polasaí le foireann iomlán na eagraíochta agus leis an mBord.

## **Cosaint Sonraí An Foras Pátrúnachta**

Chun cuidiú le fostaithe an Polasaí seo a chur i bhfeidhm, cuirtear oiliúint ar ár nósanna imeachta maidir le cosaint sonraí ar fáil do gach fostaí san eagraíocht. Leagann na rialacháin seo amach príomhréimsí oibre na heagraíochta sa gcás ina bhféadfadh fadhbanna cosanta sonraí teacht chun cinn agus leagtar amach an dea-chleachtas chun déileáil leo.

*Sonraí pearsanta* a choinneáil cruinn, iomlán agus suas chun dáta

### **Sonraí pearsanta a cheartú**

Déanann muid gach iarracht a chinntiú go mbíonn sonraí pearsanta cruinn agus suas chun dáta.

Má mheastar nach bhfuil do chuid sonraí pearsanta cruinn nó ábhartha, is féidir teagmháil a dhéanamh linn i scríbhinn nó trí rphost ag [eolas@foras.ie](mailto:eolas@foras.ie)

Ba chóir duit míniú soiléir a thabhairt ar na sonraí pearsanta atá i gceist agus na cúiseanna a mheastar iad a bheith míchruinn nó gan a bheith bainteach le hábhar.

Leasóidh muid na sonraí laistigh de 30 lá, sin nó tabharfaidh muid míniú ar an bhfáth nach ndéanfaidh muid amhlaidh.